

Gaxgonq miz bi ndeu mbwn rengx, geij daegmbauq bae gonh raemx haeuj naz. Hoeng, ngoenzneix gonh rim le, ngoenz daihngeih youh hawq lo. Laebdaeb geij ngoenz cungj dwg yienghneix.

Geij daegmbauq geizheih dangqmaz. Ngoenz ndeu banringz, gyoengqde youh gonh raemx rim naz. Banhaemh geij daegmbauq dawz cax、dawz naq、dawz daeng bae henz naz souj. Gyanghwnz cij raen duz ngwzhau hung ndeu daeuj gwn raemx naz. Geij daegmbauq baez raen couh yaek cung gvaqbae dub de dai. Hoeng, deng daegmbauq ndeu lanz dwk. Daeg neix coh heuhguh Daeglunz, de doiq gyoengqdoi naeuz: “Raeuz mbouj ndaej luenh gajseng bw, lauhei q duz de miz maz haemzhoj ne, raeuz yawj yaep he cai q gangj.” Couh yienghneix, geij daegmbauq couh mbouj ning lo. Duz de gwn raemx naz hawq le couh nodruenz deuz lo.

Ngoenz daihngeih geij daegmbauq ciuqiengh bae gonh raemx haeuj naz. Gonh yaep he, daxmeh Daeglunz daeuj daengz henz naz hemq: “Daeglunz, sien maranz ba, miz hek daeuj ranz ra mwngz.” Daeglunz dingq le couh ma lo.

Ma daengz ranz, cij raen daegmbauq ndei yawj ndeu naengh gyang ranz, daeg haenx baez raen Daeglunz couh naeuz: “Gou dwg duz ngwzhau gwn raemx naz haemhlwenz bienqbaenz, docih mwngz haemhlwenz gangj vah hawj gyoengqde mbouj sieng gou. Gou cei q gaenh baenz cungj bingh ndeu, gwn geij baez raemx naz le bingh couh ndei lo. Ngoenzneix gou daegdaengq daeuj nyinh mwngz guh beixnuengx.”

Daeglunz dingq le naeuz: “Guh beixnuengx? Ndei lai lo. Hoeng, ranz gou dwg ranzhoj bw!” Daegmbauq ngwzhau naeuz: “Hoj miz maz? Cijaeu gaenx guh, couh miz gwn miz daenj.” Gaendwk mbauqngwzhau iu Daeglunz bae ranz de guhcaemz. Daeglunz hix mbouj guhhek couh caemh bae lo.

Songde daeuj daengz henz dah, mbauqngwzhau heuh Daeglunz laep da yaep he. Daeglunz baez laep da, couh deng dai q daengz aen goengdienh gyaunde i lwenqda ndeu, de

Dahsauhanq

白鵝姑娘

□ Lingz Siuyangh / 凌秀香

baez hai da, couh deng gij gingjsaek gyaunde i seiqfueng maez dwk. Mbauqngwzhau doi q Daeglunz naeuz: “Neix dwg ranz gou.”

Daeglunz doeksaet, liuh mbouj daengz ranz mbauqngwzhau baenzneix fouqmiz. Daeglunz youq ranz mbauqngwzhau guhcaemz geij ngoenz le couh ma lo. Maranz ngoenzhaenx, mbauqngwzhau soengq bau faen haeux、bau faen byaek caeuq duz hanqlwghau ndeu hawj Daeglunz dawz dauq ranz, lij son de baenzlawz ndaem haeux、ndaem byaek caeuq baenzlawz gueng hanqlwg dem.

Daeglunz maranz le ciuq gij vah mbauqngwzhau daengq bae guh. Moix bi de cijaeu ndaem geij naed faen haeux, gij haeux souhaeuj couh rim ranz rim cang; ndaem geij naed faen byaek, byaek lai daengz gwn mbouj sat; duz hanqlwghau hix ngoenz beij ngoenz majhung, bwn hausak gig dwggyaez.

Gvaq geij bi, daxmeh Daeglunz baenzbingh dai bae lo, cij miz Daeglunz bouxdog gag youq gag guh gwn.

Ngoenz ndeu, Daeglunz bae doengh dauq, raen gwnz congz miz haeuxbyaek cug homfwdfwd, ndaw ranz hix deng baet seuq, de geizheih dangqmaz.

Laebdaeb geij ngoenz cungj dwg yienghneix. Daxbuz ranznden laeglemx lwnh Daeglunz nyi: “Geij ngoenz neix miz dahsau gyaunde i ndeu youq ranz mwngz dajcawj, de dinfwngz gig riengj dwk guh hongranz.” Daeglunz dingq le bakaj loengloeng, mbouj gamj saenq.

Ngoenz daihngeih, Daeglunz gyajcang okdou, cix ndoj youq laj

congghcueng ndomqyawj. Yaep he, cij raen duz hanqlwghau byaij ok roengq daeuj, bienqbaenz dahsau lengj ndeu, gyaunde i lumj bouxsien nei. Daeglunz deng de maez dwk lo.

Daeglunz sikhaek hai dou haeuj ranz bae. Dahsau haenx baez raen Daeglunz, siengj ndonj haeuj roengq bae bienqbaenz duzhanq dauq. Hoeng, aen roengq doq deng Daeglunz dubsoiq, dahsau cai q bienq mbouj baenz duzhanq lo. Daeglunz maez yawj de, nyaenx mbouj ndaej fwt got dahsauhanq. Ndag dahsauhanq unqnamnam caemhcai q raeujrubrub, heiqndang de homsangsang.

Daj seizhaenx hwnj, song de guh baenz gvanbaz, doxgyaez doxhuz gvaq ndwenngoenz.

Ngoenz ndeu, boux hakdoj dangdieg gwih max dai q bing gvaq gyang mbanj Daeglunz, yawjraen dahsauhanq, song da hix mbouj yaep, yawj ndaej maezmwdmwd. Boux hakdoj neix yawj dwk yawj dwk, sawqmw h ndang de unq lumj mbouj miz ndok nei daj gwnz max laemx roengz, gyoengq bing gibseiz rex de, de cij mbouj deng sieng.

Ngoenzhaenx boux hakdoj neix coh dahsauhanq camyah. Dahsauhanq naeuz swheij gaenq miz gvan, mbouj ei. Boux hakdoj neix ra daengz boux gvan Dahsauhanq Daeglunz, couh haep Daeglunz naeuz: “Mwngz ndaem gij naz gou, hanh mwngz ngoenzneix aeu cien rap haeuxrieng daeuj hawj gou, mbouj nex, couh aeu yah mwngz daeuj dingj.”

Daeglunz gaenjgip dawz geij naed faen haeux mbauqngwzhau hawj haenx bae naz vanq. Ndaw naz sikhaek hwnj go’gyaj, go’gyaj yaep ndeu

couh ok haeuxriengz, haeuxriengz hung lumj rieng vaiz nei, henjrwgrwg, haeux lai raeuh.

Boux hakdoj neix aeu bang max daeuj doz haeux, miz geij duz max doz daengz ga raek bae, haeux lij caengz doz liux.

Boux hakdoj neix lij gaemhmengz naeuz: “Mboujguenj baenzlawz, ngoenzneix gou itdingh aeu dahsauhanq guh yah.”

Daeglunz naeuz: “Mwngz aeu aen yaenq guenfouj hawj gou dawz, mwngz cij ndaej dai q yah gou bae.”

“Hw, hw! Yaek aeu aen yaenq? Hawj de gonq, gou dawz dahsauhanq bae ranz gyaeng, gaenlaeng cai q baij bing daeuj ciengj aen yaenq dauqbae.” Boux hakdoj baenzneix naemj, couh dapwngq Daeglunz lo, dawz aen yaenq gyau hawj de, angqvauvau gaemfwngz dahsauhanq maranz.

Byaij daengz dieg raengz laeg ndeu, dahsauhanq naeuz: “Gou roi gyaauj ndei、swiq naj seuq gonq, cai q guh yahmoq mwngz.” Boux hakdoj doengzeiq lo, couh cuengq fwngz de. Dahsauhanq byaij daengz henz raengz, sawqmw h diuq roengz ndaw raengz laeg bae. Boux hakdoj raen le, hix diuq roengzbae yaek gouq dahsauhanq, gyoengq bing de raen hakdoj diuq roengzbae hix gaen dwk diuq, yaek gouq boux hakdoj.

Hoeng, boux hakdoj caeuq gyoengq bing cungj mbouj rox youzraemx, youq ndaw raemx raengz cukcak yaep he couh deng caem roengz laj raemx bae lo. Dahsauhanq dwg duzhanq bienqbaenz, de rox youzraemx, youh rox mbin yaep ndeu. Diuq roengz ndaw raengz bae, de couh laeglemx mbin hwnj gwnzmbboek lo.

Cai q gangj, Daeglunz ndaej aen yaenq le, couh bae ra dahsauhanq. Songde doxraen le, couh itheij byaij haeuj guenfouj bae. Daeglunz baengh aen yaenq gyangfwngz ndaej guh boux hakdoj, dahsauhanq couhdwg yah boux hakdoj lo.

Daeglunz dang hak le, de you beksingq dangdieg ndwenngoenz gvaq mbouj ndei, vih gyoengqvunz miz gwn miz daenj muengz bae muengz dauq, gyoengq beksingq cungj haenh de dwg boux hakdoj ndei.

Bouxgik Gouz Vuenyungz

懒惰追求幸福

□ Vangz Gozgvanh / 黄国观

Ngoenz ndeu, Bouxgik youq ranz ninz gaeuq, ndiu hwnqdaeuj seiz, daengngoenz gaenq roengz baihsae lo. De roxnyinh dungx gig iek, muengz heuh Vuenyungz dawz ngaiz daeuj hawj de gwn. Hoeng, heuh bae heuh dauq, cungj mbouj raen Vuenyungz han, de cij roxnyinh Vuenyungz gaenq mbouj youq henz lo, gipmuengz seiqlengq ra Vuenyungz.

Youq gwnz roensaejgaeq gyangbya, Bouxgik ra raen Vuenyungz, muengz doi q de gangj: “Vuenyungz dahnuengx ha, gou ra

mwngz gig sinhoj, mwngz baenzlawz daeuj daengz gizneix ne? Bin hwnj bya bae yungyiemp bw, caeuq gou maranz ba!” Gangj seiz byaij bae yaek yien fwngz Vuenyungz. Vuenyungz dagaengz Bouxgik mbat ndeu, byaet fwngz cienq ndang laebdaeb bin hwnj bya bae. Aenvih baihnaj Bouxgaenx cingq hai bya dajndaem ne. Vuenyungz gietsim bae ra Bouxgaenx lo.

Yawj hwnjdaeuj, Bouxgik gouz mbouj ndaej Vuenyungz lo, aenvih Vuenyungz dwg gvihaeuj Bouxgaenx.



Gyanghaet raemx ndaw nazmbaeklae ingj mbwnlamz.

Goh Cungdingz ingj